

آبونه شرائطی

داخلی ، خارجی هر بر ایچون
سنه لکی (۲۵۰) ، آلتی آلتی
(۱۳۰) غروشدور.

[نسخہ سی ۵ غروش ،
سنه لکی ۵۲ نسخہ در .]

اداره خانه

باب عالی جاده سنده دائره مخصوصه

اخطارات

آبونه بدلی پیشیندر

مسلكه موافق آثار مع المنونیه
قبول اولنور . درج ایدله
یازیلر اعاده اولونماز .

الاستیک

سیر ۱۳۳۶

دینی ، فلسفی ، علمی ، ادبی هفته لقی مجموعه اسلامیہ در

اخطارات

آدوس تبدیلنده آبریمه بش
غروش کوندرا لیدر .

مکوبلرک امضالری واضح
واوقوناقلی اولسی و آبونه صره
نومروسی محتوی بولنسی لازملر .

مالاک اجنیه ایچون آبونه
اولانلرینک آدرسلرینک فرانسر .
جهدده یازلسی رجا اولنور

پاره کوندردلیکی زمان نه به دایر
اولدینک واضحا لیدر یلسی رجا
اولنور .

آبونه اهد کم سبیل الرشاد

صاحب و مدیر مسئول
اشرف ادیب

باش محرر
محمد ماکف

والله یهدی من یشاء الی صراط مستقیم

جلد ۱۵

۲۲ آغستوس ۱۳۳۴

پنجشنبه

۱۵ ذی القعدة ۱۳۳۶

عدد : ۳۶۶

اسرار قرآن

مقدمه

قرآنک تکالیف و مقاصدی

علما بو حدیث شریفی ، مواقع مائده سنده بیان ایدلش اولدینی
وجهله ، مختلف صورتلرله توجیه ایتشلردر . بو مقصدله سویلنن
سوزلر حقیقی بر قیمت استدلاله دن عاری اولدقاری ایچون بر تفصیل
سرد و تمهیدندن صرف نظرله بر قاج کله ایله روح و ماهیتلرینه
اشارتی مناسب کوردک : رقیه و کی ک ترکندن مقصد خسته لک
زوالی خصوصنده جناب حقه لطفنه اعتماد ، تقدیرینه رضا و انقیاد
اولوب یوقسه وقوعی احادیث صحیحه ، سلف صالحدن منقول آثار
ایله ثابت اولدینغه کوره بونلرک اساس اعتباریله جوازلی جای
اعتراض دکلدر . شبهه سزدرکه رضا و توکل اسبابه توسلدن چوق
تالیدر .

ابن التین فتح الباری ده خطاب ایله هم فکرلرینک بو نظریه بی قبول
ایتمش اولدقاری افاده ایتدکدن صوکره دیورکه : حقیقت شو
مرکزده درکه جناب حقه قدرت و حکمتنه اعتماد ، حقنده کی تقدیر
ازلی حکمتک نفاذینه حقیقی صورته ربط قلب ایدن کسه نک
قانون الهییه و سنت سنیه امتثالاً اسبابه توسل ایتسی توکله منافی
عد ایدله من . رسول الله صلی الله علیه و سلم اقدم من محاربه ده اوست
اوسته ایکی زره ، باشنه منقر (طولنه) کیمش ، احد طاغتك

کچیدینه اردوی هایونک آرقه سی محافظه ایچون تیر اندازلر
یرلشدیرمش ، مدینه اطرافه خندق قازمش ، صحابه کرانه حبشه
ایله مدینه منوره یه مهاجرتیه مساعدده ایتدیکی کی کندی ده اختیار
هجرت ایتش ایدی . اکل و شرب اسبابه توسل ایتدی و طائله سنک
کچینه جکلرینک کوکدن اینه سنه انتظار ایتیه رک ادخار ارزاق تشبثنده
بولندی . دوه سی باغلامقی ، باشی بوش بر اقمقی موافق اوله جغنی
صوران کسه یه : باغلاء صوکرده توکل ایت . جوانی و یرده رک بونکله
احترازک توکله منافی اولدینغنی ایضاح بیورمشدر .

غزالی اعمال متوکلین و ازاله مضرته سی بابلرنده بو موضوع
حقنده غایت مفصل مطالعات درمیان و جلب منفعتک اسبابی مراتب
و درجانه تقسیم ایلشدر .

از جمله امراض و مضرات سائر نک اسباب ازاله سی قسمله
آیردینی صرده دیمشدرکه : سبب ، موهوم اولورسه شرط توکل اونک
ترکیدر . چونکه رسول الله صلی الله علیه و سلم اقدم من لم یتوکل
من استرقی و اکتوی = استرقا ایدن ، کی یاپان توکل قیدنده بولنمور
دیمکدر . حدیث شریفله حقیقی متوکلرک بوکی موهوماته اعتماد
ایتمه جکلرینی بیان بیورمشدر . نفس الامرده موضوع بحث اولان
اسبابک اک قوتلینسی کی ، صکره رقیه اولوب ، تطیر اک دون
مرتبه سیدر .

اسبابدن تأثیری قطعی اولانلر حقنده غزالی : بو نوع اسبابی
ترک ؛ توکل ایجاباتنه موافق حرکت دکل ، بلکه حرامی ارتکاب
ایتمک دیمکدر ، دیور ... ده صکره اسباب متوسطه نک یعنی اطباء
طرفدن مداوات اولنق کی تأثیری مظنون اولان اسبابک ، موهوم

خلافت اوله رق، توکله منافى جهتی اولماق له برابر ترکی، مقطوع ده اولدینی کی، محظور اولدینی سویلیور. تداوینک مشروعتی حقنده بر جوق ادله سرد ایتدکن و بونی قول و فعل رسوله مستند سنت صحیحہ ایلہ تأیید و اثباته چالشدقن صکره (کی) که ممنوعیتی حقنده شرفوارد اولان حدیث شریفک حکمتنی بیان صدندنه غزالی دیمشدر که: رسالتاب صلی الله علیه و سلمک (کی) دن منع ایتسنک سببی بونک، رقیه کی، اسباب موهومه دن اولدینه بناءدر. رقیه ایلہ کی آرسنده فرق حصوله کتیرن شی کی ک، قطعی بر احتیاج اولدینی حالده وجودی فی الحال آتشله یاقق کی بر محذورمادی بی متضمن اوله سیدر. کی واسطه سیله تداوی ایدیلن هر نوع وجع واضطرابک آتشله یاقق تدبیری التزام ایتیان بر اصول ایلہ مداوانی قابلدر. بویله اولنجه ده آتشله یاقق هیچ لزومی اولدینی حالده خسته ده بنیه سنی تخرب ایدمک، سرایتندن بحق اعتراض اولنه جق الیم بر یارم آحق دیمکدر و هر ایکسی توکل خصلتندن اوزاق اولمقله برابر کی ایلہ رقیه آرسنده کی فرق بودر.

قرآن کریم ایلہ استرقاء خصوصنده غزالینک سوزلری بوندن عبارتدر. فقط بیلمم حافظه سی نصل کندینه یار اولیورده رسالتاب صلی الله علیه و سلم افندمک، که ارباب توکلک سید سرافرازیدر؛ رقیه یابدینی، نفس هابونه رقیه یابدینی و بوکا رخصت و یردیکنی اونودیور. صحاح حدیثه بوکادائر بر جوق احادیث موجود اولدینی تحظر ایدمور. احتمال که غزالی رقیه نک اسباب موهومه دن اولدینه دائر سرد ایتدیکی مطالعات ایلہ مقام تبوت و اخیار امتک غیری بر طرفدن یاییلان رقیه بی مراد ایدیور و بو ایکی صنف ممتاز طرفندن یاییله جق رقیه اونلرک فیض و قدسیتلری سایه سنده توسلی مقبول و مرغوب اولان اسباب مظنونه عدادینه داخل اوله جفته قائل بولیور که بو صورتده سوزلری امام ابن التینک لسان ابراردن صادر اولان رقیه نک طب روحانی تشکیل ایدمکی حقنده کی بیاناتنه توافق ایدمک اونکله فکرآ متحد بولنش اولور.

شوراده طب روحانی ده دائر سوز کچمشکن استطرادی اوله رق علمانک اسکی، یکی بومسئله حقنده نه دوشوندکلرندن ده بحث ایتکی مناسب کوریور. تشریح ایدمکیمز فکرلر رقیه و لموبذک جلب منفعت و دفع مضرت نه وجهله بر سبب تشکیل ایدم بیلجهکلر انظار قارینده دهها زیاده وضوح ایلہ تجلی ایتدیرمکدر. ذاتاً بوصوک سنلرده روح و احوال روحک زیاده جه قورجالانسه سی، اسلامک علما و متفکرلری میاننده بر طاقم ذواتک اورته به جیقه رق مؤثرات مادیه دن بشقه هیچ برشیده تأثیر بولمادینه، اسباب روحانییه جدی بر قیمت و اهمیت عطف ایتک طوغری اولمادینه دائر فکرلر نشر ایتملری فرصتدن بالاستفاده مسئله نک عمومی طرز تلقیسی حقنده بعض مرتبه ایضاحات و یرمه نک موافق اولدینه حکم ایتدیریور.

یوقاریده روح الامینک قرآن کریمی تداوی، قضای حاجات، تسخیر جن کی، طاغری یرلرندن اوینامق، مسافه ارضی طی ایتک و سائر کی آماله خادم اولق اوزره کتیرمه دیکنی، مقصد نزولی صرف انسانلری شهراه قویمه سوق وارشاد، معاش و معاده متعلق شتون بشری اصلاح اولدینی سویله مشدک. بونکله برابر سورده فللق مخلوقاتک، ساحرملرک، حاسدرلک، ظلام لیلک شیرندن تحفظ خصوصنده جناب حقندن استعانه بی تشریع ایچون نزول ایتدیکنی انکار ایدمه یز. سورده نک مقصد نزولی بو اولدینه کوره ارباب صلاح و اتقادن برذاته استرقا قصیده بو سورده بی اوقوتقمده نه کی بر حرج تصور اولنه بیلیر؟ حتی سورده مبحونه دن بشقه آیات قرآنییه ایلہ رقیه ده، هر نه قدر بویله برغایه ایلہ نزول ایتماش اولسه ده، بأس کورمیان ذوات ده وارد. ازجمله موطأده وارد بر حدیثه نظراً حضرت ابوبکر الصدیق رضی الله عنه جناب عایشه رقیه یابان بریهودیه «ارقیه» بکتساب الله = اوکا رقیه بی کتاب الهمدن یاب، دیمشدر. بوائز بیانات سالفه مزک فوقیده اوله رق بر غیر مسلم طرفندن ده اولسه، کتاب الله ایلہ استرقانک جوازینه بر دلیل تشکیل ایدر.

نقل جهتندن وارد اولان احادیث و اقوالک اجمالاً مال و مؤدالری بوندن عبارت اولوب شمیدی ده مسئله بی عقلی بر صورتده تدقیق ایلہ علمانک اسکی و یکی بوبانده کی افکار و مطالعاتی کوزدن کچیرم: اول امرده شوجهت معلوم اولق ایجاب ایدر که فلاسفه نک متقدمین و متأخرینی آرسنده طرق روحانییه ایلہ معالجه نک رد و افکاروی خصوصنده اتفاق موجود دکدر. فلاسفه تعبیرینک دائره شموله مسلمان، خریستیان و ملل سائر حکما سنک هبسی داخلدر. حتی بر از آشاغیده اوروپانک عصر حاضرده کی پیشوای انام اولان، افکار و مسالک مخصوصه لری خلق نزدنده قطعی برر دستور ماهیتی اکتساب ایدن فیلسوفلریله اطباء مشهوره سنک بومسئله ده کی طرز تفکرلری ایضاح ایدمکیمز. ارواحک وجودنی تسلیم ایتیان مادیون بیلله طبک بونوعنه قائل اولمده، یالکز روحک آثار و مظاهری عقله نسبت ایتکده درلر. بناء علیه ادیان و ملل سائر اربابی بو اصول مداواته طب روحانی، طب دینی، طب نصرانی و سائر عنوانی و یربرکن کوریور که مادیون بوکا بشقه بر نقطه نظر دن طب عقلی، علاج عقلی و بوکا نمائل بر طاقم ناملر و یریورلر و عنوانده اختلاف ایتکله برابر بویله بر اصولک موجودیت و تأثیرینه قائل بولیورلر.

عبدالمزیز چاویش

مترجمی: محمد شوکت